

## Dogri Evening (NSD)

14-05-2026

1915 hrs

### खबरां

1. भारत नै जोर देइयै आखेआ जे वैश्विक चुनौतियें दे चलदे ब्रिक्स थमां रचनात्मक भूमिका निभाने दी मेद ऐ, नमीं दिल्ली च दो दिनें दी ब्रिक्स विदेश मंत्रियें दी बैठक शुरू।
2. भारत ते यू.ए.ई दपक्खी सरबंधें गी अगले स्तर पर लेई जाने लेई तैयार, प्रधानमंत्री नरेंद्र मोदी कल अबु धाबी दी जातरा पर जाडन।
3. कांग्रेस नेता वी.डी सथीशन होर केरल दे मुखमंत्री होडन।
4. गृह मंत्री अमित शाह हुंदा आखना ऐ जे भारत आपदा प्रबंधन च वैश्विक नेता ते प्रथम प्रत्युत्ताकर्ता यानि first responder दे रूपै च उभरियै सामने आया ऐ।
5. अमरीकी राष्ट्रपति डोनल्ड ट्रम्प ते चीनी राष्ट्रपति शी जिनपिंग होरें बीजिंग च महत्वपूर्ण गल्लबात कीती, अमरीका ते चीन उर्जा दे मुक्त प्रवाह आस्तै स्टेट ऑफ होमर्ज गी खुल्ला रखने पर सहमत होए।
6. बैडमिंट च भारत दी पी.वी सिंधु ते सात्विक साईराज रंकीरेड्डी ते चिराग शेटी मेन्स डबल्स पेयर, थाईलैंड ओपन दे क्वार्टर फाइनल च पुज्जे।

<><><><><><>

### BRICS-Meet

भारत नै इस गल्ला पर जोर दिता ऐ जे दुनिया च चला'रदियां आर्थिक चुनौतियें दे चलदे ब्रिक्स संगठन थमां रचनात्मक भूमिका निभाने दी मेद कीती जा'रदी ऐ। एहू गल्ल विदेश मंत्री डा. एस जयशंकर होरें अज्ज नमीं दिल्ली च ब्रिक्स संगठन दी होआ'रदी 2 दिनें दी बैठक दी शुरूआत च आक्खी। इस बैठक दी अध्यक्षता डा. जयशंकर होर गै करारदे न ते इस बैठक च ब्रिक्स दे सदस्य मुल्लें दे विदेश मंत्री ते प्रतिनिधिमंडलें दे प्रमुख शामिल ना। डा. जयशंकर होरें आखेआ जे इसलै केई मुख्य खाद, उर्जा ते सेहत सुरक्षा समेत होरनें चीजें गी

लेइयै चुनौतियें दा सामना करा'रदे न ते ब्रिक्स इनें मुलखें दी प्रभावी एंगै कन्नै मदाद करी सकदा ऐ। उनें इब्बी आखेआ जे अज्ज दी ब्रिक्स दी एहू बैठक बक्ख-बक्ख मुलखें दे दृष्टिकोण सांझा करने आस्तै ते विकास बधाने लेई बी बंच प्रदान करदी ऐ। इस बैठक दरान बक्ख-बक्ख विदेश मंत्री वैश्विक ते खेत्तरीय मुद्दें पर अपने बचार सांझा करंगन ते इस ब्रिक्स दी इस बैठक दा विशेषार ऐ बील्लिंग फार रिलायंस, इनोवेशन, कापरेशन एंड सस्टेनेबिलिटी यानि लचीलापन, नवाचार, सहयोग लेई निर्माण। इस बैठक च कई मुलखें दे मंत्री हिस्सा लै'रदे न, जिंदे च ब्राजील दे मौरो वियेरा, रूस दे सरगे लवशेव, ईरान दे सईद अब्बास अराघची समेत होर मुलखें दे मंत्री बी शामिल होंगन। एहू सभ्भनें विदेश मंत्री अज्ज दपैहरी प्रधानमंत्री श्री नरेंद्र मोदी हुंदे कन्नै बी मिले। इस दो दिनें दी बैठक दे दुए दिन यानि कल ब्रिक्स दे सदस्य ते भागीदार BRICS@20, Building for reliance, innovation, cooperation and sustainables सत्र च शामिल होंगन। इस सत्र दे मगरा इक Reforms of global Governance and multi system यानि वैश्विक शासन ते बहुपक्षीय प्रणाली नां दा इक सत्र होग। तोआई विदेश मंत्री डा. एस जयशंकर होरें अज्ज बड्डलै इंडोनेशिया दे विदेश मंत्री सुगियोनो हुंदे कन्नै इस बैठक गी लेइयै मलाटी कीती। इक सोशल मीडिया पोस्ट च डाक्टर जयशंकर होरें आखेआ जे उनें एशियन दे कन्नोकन्नी भारत-इंडोनेशिया सांझेदारी दी व्यापक रणनीति दी तरक्की दा बी जायजा लैता।



### India-UAE Partnership

भारत ते यू.ए.ई अपनी सांझेदारी गी अगले स्तर पर लेइयै जाने आसतै तैयार न कीजे प्रधानमंत्री नरेंद्र मोदी होर कल अबु धाबी ते यू.ए.ई दे राष्ट्रपति शेख मोहम्मद बिन जायद अल नाहयान हुंदे कन्नै मलाटी करंगन। एहू दौरा दौनें मुलखें बश्कार बधदे स्तरीय जुडाव दे चलदे होआ ऐ। खीरी दहाके थमां यू.ए.ई दे राष्ट्रपति हुंदा इस बरे दे जनवरी म्हीने 5मां दौरा हा ते राष्ट्रपति बने दे बा उंदा एहू त्रीया दौरा हा। इस बरे दी पैहले होई च बैठक च दवे नेताएं अपने व्यापक रणनीतिक सांझेदारी देपूरे दायरे दी समीक्षा कीती ही ते महत्वपूर्ण समझौते बी कीते हे। सभ्भनें शा महत्वपूर्ण समझौताएं च इक ADNOC Gas ते हिंदोस्तान पेट्रोलियम कारपोरेशन लिमिटेड नै इस बरे दी शुरूआत च गै तकरीबन 3 अरब अमरीकी डालर दे मुल्ल दे 10एं बरें दे कुदरती गैस दे समझौते प दस्तखत कीते हे। यू.ए.ई ते भारत नै अपना दपक्खी बपार 2032 धोड़ी 200 डालर धोड़ी बधाने दी अपनी बचनबद्धता दी पुष्टि कीती। यू.ए.ई भारत दा दुआ सभ्भनें शा बड्डा निर्यात करने आहला मुलख ऐ जिंदे कन्नै भारत ने 37 अरब अमरीकी डालरें दा निर्यात कीता ऐ ते एमीरेटस च 40 लक्ख थमां बी मते भारती लोक रौहंदे ना।

## India Ship Attack

भारत नै कल ओमान दे समुंद्री कनारे दे कोल इक्क भारती झंडे दे उप्पर होए दे हमले दी निर्दा कीती। इक बयान च विदेश मंत्रालय दे इक प्रवक्ता रणधीर जैसवाल होरें इस गल्ला पर दुख जाहिर कीता जे नागरिक नाविकें ते बपारी शिपिंग गी निशाना बनाया गेआ। उनें एह सूचित कीता जे जहाज उप्पर सवार सब्भनें भारती चालक दल सुरक्षित ऐ। उनें ओमानी अधिकारिएं दा उंदे बचा आस्तै शुक्रिया बी कीता।



## Satheesam Keralam CM

10एं दिनें थमां चला'रदे क्यास ते सस्पेंस गी खत्म करदे होई कांग्रेस नै अज्ज वी.डी सतीसन होरें गी केरल दे नमें मुख्मंत्री दे रूपै च घोशित कीता। एह घोशणा नमीं दिल्ली च इक प्रेस कांफ्रेंस दरान कांग्रेस नेता अजय माकन, मुकुल वासनिक ते दीपा दासमुंशी राएं कीती गई। इस घोशणा दे कन्नै गै कांग्रेस दे नेतृत्व आली यूडीएफ राज्य च सरकार बनाने दी प्रतिक्रिया शुरू करग। यूडीएफ नै केरल विधानसभा चुनां च दो तिहाई थमां मता बहुमत हासल कीता ऐ।



## Shah India Global

केंद्री मंत्री अमित शाह होरें अज्ज आखेआ जे भारत आपदा प्रबंधन दे क्षेत्रें च इक्क वैश्विक नेता ते आपातकालीन स्थिति गी नबेइने आह्ला सब्भनें शा पैहले मुल्खै दे रूपै च उभरियै सामने आया ऐ। शाह होरें आखेआ जे हुन 48 मुल्ख आपदा प्रबंधन ढांचागत संगठन दा हिस्सा बनी चुके दे न जेडे भारत कन्नै मिलियै इस दिशा च कम्म करारदे न। शाह होर एनडीआरएफ गी उंदे 8में बटालियन दे कैपस गाजियाबाद च राष्ट्रपति कलर अवार्ड भेंट करारदे ह।



## ECI

निर्वाचन आयोग नै अज्ज विशेष गहन नजरसानी एस.आई.आर दे त्रीए गेइ दी घोशणा कीती ऐ, इसी 16 राज्यें ते त्रै केंद्र शासित प्रदेशें च मरहलेवार एंगै सिर चलाया जाह्ग। एह राज्य न आंध्र प्रदेश, अरुणाचल प्रदेश, हरियाणा, झारखंड, कर्नाटक, महाराष्ट्र, मणिपुर,

मेघालय, मिजोरम, नागालैंड, ओडिशा, पंजाब, सिक्किम, त्रिपुरा, तेलंगाना ते उत्तराखंड।  
केंद्र शासित प्रदेशें च दिल्ली, चंडीगढ़, दादरा ते नगर हवेली ते दमन ते दीव शामिल ना।



### Goyal India African

बपार ते उद्योग मंत्री पीयूष गोयल होरें आखेआ जे भारत-अफ्रीका सहयोग दा अगला चरण  
राई-बाई, डिजिटल बुनियादी ढांचा, सोआस्थ सेवा, स्वच्छ उर्जा समेत होरनें क्षेत्रें च उच्च  
मूल्य आले उत्पादें ते इंदी एकीकृत आपूर्ति श्रृंखलाएं पर ध्यान केंद्रित करग। मंत्री गोयल होरें  
कल नमीं दिल्ली च भारत अफ्रीका बिजनस डायलाग एंड एग्जीबीशन ते भारती अफ्रीका  
फोरम सम्मेलन दा संबोधन करा'रदे हे। उनें एहू विश्वास बी दोआया जे इस म्हीने दी 29  
थमां 31 तरीक धोड़ी चैथी भारत-अफ्रीका फोरम सम्मेलन च आयोजित होने आह्ला भारत  
अफ्रीका बिजनस डायलाग एंड एग्जीबीशन बी सफल रौह्ग।



### Seth Op Sindoor

रक्षा क्षेत्र दे राज्यमंत्री संजय सेठ होरें अज्ज आपरेशन सिंदूर गी इक्क ऐतिहासिक सफलता  
आखेआ कीजे इयै ज्जेई गतिविधि कन्नै भारत दी क्षमता दा प्रदर्शन दुनिया भरै च होआ ते  
एहूदे च स्वदेशी हथियारें ते प्रणालियें दा इस्तेमाल कीता गोआ हा। मंत्री होर नमीं दिल्ली च  
कलम ते कवच दे त्रीए संस्करण दे उद्घाटन सत्र. गी संबोधित करारदे हे। एहू कार्यक्रम दा  
आयोजन भारत दे विकसित होआ'रदे रक्षा परिवर्तन ते क्षमता विकास पर विमर्श करने  
आस्तै करोआया गोआ।



### Inflation

मुख्य च थोक मूल्य सूचकांक पर आधारित मुद्रास्फीति सलाना आधार पर अप्रैल च 42  
म्हीने दे हेठले स्तर पर 8 अशारिया 3 फीसद पर पुज्जी गई ऐ। पिछले बरे मार्च च एहू 63  
अशारिया 8-8 फीसद ही। उद्योग ते बपार मंत्रालय मूजब मुद्रास्फीति च एहू बाह्दा खासतौर  
पर खनिज तेल, कच्चे तेल ते कुदरती गैस मूल धातुएं, विनिर्मित उत्पादें ते गैर खाद्य चीजें दे  
भाहू बढने करी होआ ऐ।



## Punjab Police Arrest

पंजाब पुलिस नै 5 मई गी जालंधर च सीमा सुरक्षा बल मुख्यालय दे मुखद्वार कश होए दे धमाके दे मुख आरोपी गी गिरफ्तार करी लैता ऐ। सूत्रें दस्सेआ ऐ जे आरोपी कथित तौरा पर पाकिस्तान स्थित इक्क आतंकवादी दे संपर्क च ह। इस्सै दरान उस्सै राती अमृतसर च इक सैन्य चौकी पर होए दे इक होर धमाके दी जांच

<><><><><><>

## Trump-Jinping Talks

अमरीकी राष्ट्रपति डोनल्ड ट्रम ते चीन दे राष्ट्रपतिशी जिनपिंग हुंदे बश्कार बीजिंग च महत्वपूर्ण गल्लबात होई। एहू ट्रम्प हुंदा दुई बारी अमरीका दे राष्ट्रपति बनने दे बाद चीन दा पैहला दौरा ह। व्हाइट हाउस दे मताबक दवें पक्ख इस गल्लै पर सहमत होए न जे उर्जा दे मुक्त प्रवाह गी बनाए रखने लेई स्ट्रेट आफ होमुर्ज गी खुल्ला रखना लोडचदा ऐ। वैश्विक उर्जा संकट, टैरिफ, बपार तनाव, ताइवान ते आर्टिफिशल इंटेलीजेंस दा एजेंडे च हावी रौहने दी मेद रेई। ट्रम्प हुंदा राष्ट्रपति शी जिनपिंग हुंदे कन्नै एहू सबनें शा सफल बैठक रेई। एहूदे शा पैहले अपने शुरूआती बयान च राष्ट्रपति शि जिनपिंग होरें अमरीका ते चीन गी भागीदार बनने दा आह्वान कीता। अमरीकी राष्ट्रपति होरें बी अपने चीन दे समकक्ष गी इक महान नेता दस्सेआ ते आखेआ जे दौनें मुखे बश्कार सरबंध पैहले थमां केई बेहतर होंगन।

<><><><><><>

## Badminton

बैडमिंटन च भारत दियां पी.वी सिंधु ते टाप मेन्स डबल्स पेयर दे सात्विक साइराज, रंकी रेड्डी ते चिराग शेटी होरें अज्ज शानदार जित्त कन्नै थाईलैंड ओपन दे क्वार्टर फाइनल च प्रवेश कीता। 2 बारी दी ओलंपिक पदक विजेता सिंधु होरें महिला महिला सिंगल्स च डेनमार्क दे अमलाई शुल्स गी हराई दित्ता। दुनिया दी 12में नंबर दियां खडारी सिंधु होर हुन क्वार्टर फाइनल च जपान दी मौजूदा विश्व चैंपियन अकाने थामागुजी हुंदे कन्नै मकाबला करंगन ते मेन्स सिंगल्स च 7मीं वरीयता प्राप्त लक्ष्य सेन नै चीन दे ताइपे दे सु लीयांग गी हराईयै खीरी 8 च प्रवेश कीता।

<><><><><><>

## LG-Shopian Stadium

लेफ्टिनेंट गवर्नर मनोज सिन्हा होरें अज्ज शोपियां च साउथ कश्मीर वालीबाल लीग ते अरिहामा आले बहुउद्देश्यी इंडोर स्टेडियम दा उद्घाटन कीता। एल.जी सिन्हा इंडोर स्टेडियम दी ऐतिहासिक सुविधा, दक्खनी कश्मीर दे नौजवानें गी समर्पित कीती ते इस मौके पर खेडूए मंत्री सतीश शर्मा ते मैहकमे दे सचिव डाक्टर शाहिद इकबाल चौधरी बी उत्थे मजूद हे। एल.जी होरें शोपियां च साउथ कश्मीर वालीबाल लीग 2026 दा बी उद्घाटन कीता। इस मौके पर बोलदे होई उल.जी होरें आखेआ जे 2021 च शुरू होई दी एहू लीग युवाएं दी भागीदारी ते खेडू संस्कृति गी बढावा देने च इक बड्डे मंच दे तौर पर उभरियै सामने आई ऐ।



## LG-Shaurya Gatha

जम्मू-कश्मीर दे लेफ्टिनेंट गवर्नर मनोज सिन्हा होरें कुपवाडा च टंगधार करनाह आले एस. एम हिल च शौर्य गाथा परिसर दा उद्घाटन कीता। एहू पैहलकदमी रणभूमि आले सैलसफा, विरासत दे संरक्षण ते बन्ने आले इलाके दे विकास च इक महत्वपूर्ण संगे-मील साबत होगा। इस मौके पर बोलदे होई एल.जी सिन्हा होरें आखेआ जे साढे दलेर जवानें मातृभूमि दी रक्षा लेई सर्वोच्च बलिदान दित्ता ऐ ते उंदी दलेरी ते बलिदान हर इक भारतवासी लेई प्रेरणा ते मान-सम्मान दा स्रोत ऐ। श्री सिन्हा होरें इस परियोजना गी तेजी कन्नै सबूरा करने लेई उत्तरी कमान ते चिनार कोर सने सब्भनें सरबंधत अधिकारिणं दी सराहना कीती।



## CM-SDH Hazratbal

मुख्यमंत्री उमर अब्दुल्ला हुं'दी प्रधानता तैहत मंत्रिपरिषद नै श्रीनगर मास्टर प्लैन-2035 तैहत बफ्फर जोन आली बंदिशें च छूट दिंदे होई हजरतबल आले उपजिला अस्पताल दा दर्जा बधाने ते एहूदे निर्माण कम्मै गी सबूरा करने दी मंजूरी देई दिती ऐ। एहू फैसला सेहत दिक्खभाल आले ढांचे गी तगडा बनाने ते सेहत सेवाएं दी बेहतर ढंगै'नै दस्तयाबी जकीनी बनाने दे मकसद कन्नै लैत्ता गेआ हा। एहू फैसला मंत्रिपरिषद दी 6मीं बैठका दे दरान लैत्ता गेआ ऐ। मेद ऐ जे इस मंजूरी दे कन्नै एहू अस्पताल मते बेहतर ढांचे ते मेडिकल स्हूलतें कन्नै लेस होई जाहगा। इस गैहू दे कन्नै मरीजें गी ब्लड बैंक सेवाएं, आपरेशन थेटरें ते माहिराना इलाज दिआं स्हूलतां हासल होई सकडन।

